

Inatsisartunut ilaasortaq Palle Christiansen
Inatsisartut Allattoqarfiat
Maani

Puisit amiinnik eqqusseqqusiunnaarneq pillugu imaluunniit tamaattumik amigaa-
teqarnera pillugu Naalakkersuisunut apeqqutinik qulinik apeqquteqarputit, taakkulu
uanga matumuuna akissuteqarfigissavakka.

Apeqqut 1:

Oqariaaseq nioqqutissanik eqqussuineramik unitsitsineq Naalakkersuisut qanoq
isumaqartippaat?

Akissut 1:

Apeqqut allanut ataneqarneranut qanorlu atorneqarneranut immikkoortillugu aki-
neqarsinnaangilaq, tassami eqqussuinissamik unitsitsinermut apeqqutaammat
aalajangernerup piviusup sunaanerata imaluunniit eqqussuinissamik unitsitsineq
pillugu inatsisiliornerup sunniutitut kingunissai.

Aalisarnermut Piniarnermullu Naalakkersuisoq allakkatigut 10. februar 2006-imi
Inatsisartut Aningaasaqarnermut Ataatsimiititaliaata siulittaasuanut, Inatsisartunut
ilaasortamut Ellen Christoffersenimut apeqqutinut arlaqartunut akissuteqarpoq
Naalakkersuisut ulloq 6. januar 2006-imi aalajangerneranut tunngasunik.
Taamaammat akissut taanna, Inatsisartunut agguanneqartoq innersuussutigissa-
vara.

Apeqqut 2:

Naalakkersuisut tusagassiuutikkut nalunaaruteqaramik ima qulequtalimmik: "Puisit
amiinik Canadameersunik eqqussuineq unitsinneqassaaq", taava naatsorsuutigi-
neqartariaqarpoq atuartartut paasissagaat puisit amiinik Canadameersunik eqqus-
suneq unitsinneqassasoq?

Akissut 2:

Ajuusaarnartumik tusagassiorfinnut nalunaarutip qallunaatuani qulequtaa eqqor-
tumik kalaallisuuaniit nutsigaangilaq.

Atuartut tusagassiorfinnut nalunaarummik paasinnineranut apeqqutaassaaq suli-
assamat tunngatillugu ilisimasaat tunuliaqutaasut.

28. februar 2006
J.nr.

Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Puisit amiinnut tunngatillugu suliamik tusagassiorfiit aqutigalugit malinnaasunut amerlanernut erseqqissumik ilisimaneqassaaq, suliassami pineqarmat Great Greenland A/S-ip Canadamiit puisit amiinni eqqussisarsimanera. Amerlanernullu pissusissamisuussaaq ilimagissallugu Naalakkersuisut aalajangernerat eqqussuinnermut tunngasuusoq, Great Greenland A/S-imit ingerlanneqartoq, tassami sulifefarfik taannaammat Canadami puisinniarnermut atatillugu tusagassiorfinni taaneqartoq.

Taamaattoq, naak ajornartorsiutit piviusut pineqaraluartut, paasinarpoq tusagassiorfinnut nalunaarutip kukkusumik nutserneqarnerata kinguneranik, paatsoortoqarneranut pissutaasimavoq. Paatsoonerit taakku tamatuma kingorna aaqqiiffiginianeqarput tusagassiorfinnut oqaaseqartarnikkut.

Apeqqut 3:

Naalakkersuisunut erseqqissaatigeqquneqarpoq, 6. januar 2006-imit siunissamut puisit amiinik Canadameersunik eqqussuineq inerteqqutaalernersoq imaluunniit eqqussuineq unitsinneqarnerersoq?

Akissut 3:

Naalakkersuisunut ilaasortap Finn Karlsenip Aningaasaqarnermut Ataatsimiititaliap siulittaasuanut akissutaa qulaani taaneqartoq innersuussutigissavara.

Apeqqut 4:

Naalakkersuisut siulitaasuata erseqqissaatigissallugu pitsaanngitsutut isumaqarfiginerpaa eqqussuinnermik unitsitsineq qanoq isumaqarfigineqarneresoq, allaammi Naalakkersuisut siulittaasuata tulliaata Naalakkersuisut qanoq isumaqarnerisut paatsoorsimammagu?

Akissut 4:

Isumaqataavunga naappertuuttuusimassagaluartoq siusinnerusukkut paatsuinerit aaqqinniarsimasariaqarigut.

Apeqqut 5:

Suliani imaannaanngitsuni aalajangernerit isummernerillu pillugit Naalakkersuisut ilaasortatik qanoq ilisimatittarpaat?

Akissut 5:

Tamanna pisarnermisut pisarpoq Naalakkersuisut ataatsimiinneranni, Naalakkersuisut Ataqtigiiarinnermut ataatsimiititaliaani suliassat oqaluuserineqarneranni imaluunniit Naalakkersuisunut ilaasortat suliassamut attuumassuteqartut akornanni toqqaannartumik oqaloqatigiissutigineqarneranni. Tamatuma saniatigut aalajangiinerit Naalakkersuisut ataatsimiinnerannit imaqarniliat Naalakkersuisut aalajangersagaat takuneqarsinnaapput, ataatsimiinnerit malitsigisaannik suliarineqartartuni aamma tamatuma kingorna ataatsimiinnermi tulliuuttumi akuersissutigineqartartuni.

Apeqqut 6:

Akissut ima paasineqassanerluni pisumi matumani attaveqatigiinneq equsoorsi-masoq, maannami paasinarsimmat Naalakkersuisut siulittaasuata tullia torersumik ilisimatinneqarsimanngitsaq?

Akissut 6:

Apeqqummut 4-mut akissut aamma ataani apeqqummut 7-mut akissut innersuus-sutigissavakka.

Apeqquut 7:

Siunissami taama pisoqaqqinnissaa pinngitsoortinniarlugu Naalakkersuisut siulit-taasuata sunik suliniuteqarniarpa?

Akissut 7:

Naalakkersuisut ataatsimiittarnerat, ataqatigiiaarinermut ataatsimiittitaliaq il.il. pil-lugit Naalakkersuisut kaajallaasitanni suliassat Naalakkersuisuni suliarineqartarne-rat pillugit erseqqinnerusunik maleruagassat aalajangersarneqarput. Suliassap pineqartoq pissutigalugu kaajallaasitami maleruagassat tunngavigalugit maluginia-gaqartarnek sakkortusisinnegassaaq, taamaalilluni paatsoortoqaratarsinnaanera sapinngisamik minnerpaaffianiitsilerlugu. Toqqaannartumik pilersaar-uteqartoqanngilaq siunissami paatsoortoqaratarsinnaanera pinngitsoorniarlugu iliuuseqartoqartoqarnissaanik, kisianni soorunami Naalakkersuisut Allattoqarfiullu immikkut maluginiartassavaa tusagassiorfinnut nalunaarutit oqaatsini marlunni assigiimmik isumalimmik suliarineqartarnissaat.

Apeqquut 8:

Suliat imaannaanngitsut assingusut pileraangata Naalakkersuisut ataasiakkaat tusagassiuutitut oqaaseqaatissai siunissami siumut ataqatigiissaarniartarnissaat naalakkersuisut siulittaasuata iluaqutaasussatut isumaqarfiginerpaa?

Akissut 8:

Aap, tamanna pissaaq kaajallaasitap qulaani taaneqartup killissarititaata iluani.

Apeqquut 9:

Puisit amiinik Canadameersunik eqqussuineq unitsinneqarsimanngisaannarpat, sunamiuna Naalakkersuisunut ilaasortap Finn Karlsenip eqqartoraa, 19. januar 2006 KNR'imut ima oqaaseqarnermini: "Puisit amiinik Canadameersunik eqqus-suinerup unitsinneqarnera pillugu sunnguanilluunniit allanngortitsisoqassanngilaq."

Akissut 9:

Naalakkersuisunut ilaasortap Finn Karlsenip eqqartugaa tassaavoq Naalakkersuis-unit aalajangerneqartoq.

Apeqquut 10:

Naalakkersuisut siulittaasuata pisussaaffigisorinnginnerlugu qinersisartuminut qisuariassalluni, Naalakkersuisut aalajangigaat pillugit tusagassiuutit kukkusumik paasissutissiisimasut paasigaangamiuk?

Akissut 10:

Qulaani taaneqartut siusinnerusukkut tusagassiorfiit paasissutissiiffigaakka Naalakkersuisut aalajangernerata isumaanik eqqortumik, soorunami isumaqatigigakku innuttaasut Naalakkersuisut aalajangiussaannik eqqortunik paasitinneqartarnissaat.

Inussiarnersumik inuulluaqqusillunga

Hans Enoksen